



Laerskool Jan van Riebeeck

Kloofstraat 52 Kaapstad 8001
Epos: ontvangs@jvrprim.co.za

Tel: 021 423 4209
Skoolhoof: JH Oosthuizen

Faks: 021 423 4210 / 424 2375
Webtuiste: www.jvrprim.co.za

SOSIALE MEDIA BELEID

1. KONTEKS

Die Sosiale Media Beleid vorm deel van Laerskool Jan van Riebeeck se groter Digitale Veiligheid en Inligtingstegnologie Beleidstruktuur.

2. DOEL

Die doel van die Sosiale Media Beleid is om:

- (a) die gebruik van sosiale media en sosiale netwerking by Laerskool Jan van Riebeeck te reguleer;
- (b) die geleenthede wat multimedia-geletterdheid kan bied, op 'n verantwoordelike en respektvolle wyse aan leerders te bied ten einde die onderrig- en leeromgewing in ons skool te verryk;
- (c) die verantwoordelikhede en gedrag te skets wat van personeel, besoekers, leerders en hul ouers as gebruikers van sosiale media en sosiale netwerking verwag word, in die besonder dat:
 - (i) alle lede van die Laerskool Jan van Riebeeck gemeenskap en verteenwoordigers van die skool verantwoordelikheid aanvaar vir die inhoud wat aanlyn geskryf, opgeneem, vertoon, geplaas of gekommunikeer word;
 - (ii) hulle te alle tye goeie oordeel en gesonde verstand aan die dag moet lê by oorweging van enige van die aktiwiteite in subparagraph (i) genoem;
 - (iii) deelname op sosiale media en sosialenetwerk-webwerwe tot die oortreding van skoolreëls en die leerders se Gedragskode mag lei, of strydig met bestaande wette mag wees;
 - (iv) die gebruik van of deelname op hierdie webwerwe nie die skool se naam negatief mag raak of die skool se reputasie mag skaad nie.

3. DEFINISIES

"kuberafkouery" verwys na opsetlike en herhaalde leed wat deur middel van rekenaars, selfone en ander digitale toestelle gedoen word;



Laerskool Jan van Riebeeck

Kloofstraat 52 Kaapstad 8001
Epos: ontvangs@jvrprim.co.za

Tel: 021 423 4209
Skoolhoof: JH Oosthuizen

Faks: 021 423 4210 / 424 2375
Webtuiste: www.jvrprim.co.za

“sosiale media” beteken ‘n versameling interaktiewe aanlyn platforms en instrumente wat deur individue, groepe en organisasies gebruik word om inhoud, profiele, menings, insigte, ervarings, perspektiewe en media te deel. Dit maak die skep en uitruil van gebruikersgeskepte inhoud moontlik. Sosialemediaplatforms neem verskeie vorme aan, byvoorbeeld webjoernale of mikrowebjoernaal, inhoudgemeenskappe, sosiale- en professionele netwerkwebwerwe, forums en besprekingsgroepe en aanlynensiklopidieë. Die terrein van sosiale media groei en verander vinnig. Hierdie beleid dek ook toekomstige toepassings van sosiale media, watter vorm dit ook al kan aanneem.

“sosialeenetwerk-webwerf” beteken ‘n webgebaseerde diens wat individue in staat stel om:

- (a) ‘n openbare of gedeeltelik-openbare beeld te bou;
- (b) kontakte of vriende met ander gebruikers te deel; en
- (c) hul lyste met kontakte of vriende en dié wat deur ander binne die stelsel gemaak is te besigtig; die aard en terminologie van hierdie kontakte of vriende mag van webwerf tot webwerf verskil; en

“toegang” beteken die reg, geleentheid of befondsingsmiddele, of herwinning van inligting.

4. WETSRAAMWERK

Hierdie beleid word onder meer gesteun deur:

Grondwet van die Republiek van Suid-Afrika, 1996.

United Nations Convention on the Rights of the Child, 1989.

Suid-Afrikaanse Skolewet, 1996 (Wet 84 van 1996).

Wet op Indiensneming van Opvoeders, 1998 (Wet 76 van 1998).

Wes-Kaapse Wet op Provinciale Skoolonderwys, 1997 (Wet 12 van 1997).

Western Cape Government Social Media Policy, 2014.

Wet op Elektroniese Kommunikasie, 2005 (Wet 36 van 2005).

Wet op Films en Publikasies, 1996 (Wet 65 van 1996).

Wet op Beskerming teen Teistering, 2011 (Wet 17 van 2011).

Strafproseswet, 1977 (Wet 51 van 1977).

Wysigingswet op die Strafreg (Seksuele Misdrywe en Verwante



Laerskool Jan van Riebeeck

Kloofstraat 52 Kaapstad 8001
Epos: ontvangs@jvrprim.co.za

Tel: 021 423 4209
Skoolhoof: JH Oosthuizen

Faks: 021 423 4210 / 424 2375
Webtuiste: www.jvrprim.co.za

Aangeleenthede), 2007 (Wet 32 van 2007).
Wet op Outeursreg, 1978 (Wet 98 van 1978).
Childrens Act, 2005 (Wet 38 van 2005).
Wet op Reëling van Onderskepping van Kommunikasie en Verstrekking van Kommunikasie-verwante Inligting, 2002 (Wet 70 van 2002).
Riglyne oor e-Veiligheid in Skole, Departement van Basiese Onderwys, 2010.
Protection of Personal Information Act, 2013 (Wet 4 van 2013).

5. OMVANG

Hierdie beleid is van toepassing op alle personeel, leerders en hul ouers by Laerskool Jan van Riebeeck.

6. TOEGANKLIKHEID EN OUDERDOM

- (a) Waar sosiale media amptelik gebruik word ter ondersteuning van onderrig en leergeleenthede, moet onderwysers alternatiewe kommunikasie kanale beskikbaar stel vir leerders wat nie toegang het tot die bepaalde sosiale netwerk nie, of wat nie hul ouers se toestemming het om deel te neem nie. Dieselfde geld vir ander skool kommunikasie kanale. Ouers en versorgers moet ingelig word oor die opvoedkundige konteks van die sosiale media rekening en hoe dit 'n integrale deel van die leerprogram is met verwysing na die kurrikulum.
- (b) Personeel, leerders en ouers moet die terme en voorwaardes van die onderskeie sosiale media netwerke nakom. Onderwysers moet hierdie terme en voorwaardes in ag neem wanneer dit oorweeg word om met leerders deur middel van sulke platforms te kommunikeer, deur te verseker dat dit inklusief is vir die hele groep.
- (c) Sosiale netwerke se terme en voorwaardes sluit 'n klousule oor ouderdom vir gebruik in. Owers, leerders en onderwysers moet hul van hierdie klousules vergewis en daaraan gehoor gee. Die meeste gewilde sosiale netwerke stel 'n ouderdom van 13 jaar of ouer vir gebruik.



Laerskool Jan van Riebeeck

Kloofstraat 52 Kaapstad 8001
Epos: ontvangs@jvrprim.co.za

Tel: 021 423 4209
Skoolhoof: JH Oosthuizen

Faks: 021 423 4210 / 424 2375
Webtuiste: www.jvrprim.co.za

7. SEKURITEIT EN PRIVAATHEID

- (a) Onderwysers, leerders en ouers wat sosiale media en sosiale netwerk Gebruik, het die verantwoordelikheid om hulself vertroud te maak met privaatheidstellings, en die deel van inligting wat hulle dalk nie in die openbare domein wil hê nie, te vermy.
- (b) Geen persoonlike besonderhede of vertroulike inligting van leerlinge, onderwysers of ander ouers mag in sosiale media of sosialenetwerk-webwerwe gedeel word nie.
- (c) Geen foto's van leerders mag deur personeel in enige nie-amptelike sosiale media netwerke of webwerwe of groepe gedeel word nie (bv. WhatsApp groepe, Instagram ens.).

8. PERSOONLIKE GEBRUIK VAN SOSIALE MEDIA – PERSONEEL

- (a) Die skool respekteer personeel se reg tot 'n privaat lewe. Die skool het ook die verantwoordelikheid om vertroulike inligting en die skool se reputasie te beskerm. Dit is dus belangrik dat personeel hul persoonlike reputasie en die reputasie van die skool sal beskerm deur te verseker dat hul persoonlike rekeninge op 'n verantwoordelike wyse gebruik word.
- (b) Geen personeel mag sosiale netwerk uitnodigings van leerders aanvaar nie.
- (c) Personeel moet nooit leerders op sosiale media nooi of volg nie, behalwe op webwerwe wat spesifiek vir professionele doeleindeste in 'n groepopset ontwerp is.
- (d) Personeel moet nooit aanlyn kommunikasie op 'n individuele basis met 'n leerder hê nie, slegs in groepsverband vir opvoedkundige doeleindeste en om inligting te deel.
- (e) Indien enige personeellid bewus word van onaanvaarbare kommunikasie rakende enige leerder op enige sosiale media platform, moet



Laerskool Jan van Riebeeck

Kloofstraat 52 Kaapstad 8001
Epos: ontvangs@jvrprim.co.za

Tel: 021 423 4209

Faks: 021 423 4210 / 424 2375
Webtuiste: www.jvrprim.co.za

Skoolhoof: JH Oosthuizen

dit onmiddellik by die klasonderwyser aangemeld word.

- (f) Personeel mag sosiale media nie in skoolure gebruik nie.

9. GEBRUIK VAN SOSIALE MEDIA IN AMPTELIKE HOEDANIGHEID – SKOOL

- (a) Amptelike sosiale media kanale / rekeninge mag slegs deur 'n afgevaardigde personeellid van die skool geskep word, met vooraf goedkeuring deur die hoof.
- (b) Plasings op enige amptelike sosiale media kanale van die skool mag slegs deur afgevaardigde personeel gedoen word.
- (c) Inligting wat op enige van Laerskool Jan van Riebeeck se sosiale media kanale gedoen word, moet akkurate inligting bevat, en mag nie fopnuus versprei nie.
- (d) Inligting wat in 'n amptelike hoedanigheid op sosiale media gedeel word, mag nie kopiereg- of outeursregwetgewing skend nie. Verandering aan enige werk, kommentaar of plasing sonder toestemming kan die reputasie van die skrywer en ander partye raak. Toestemming moet te alle tye verkry word.
- (e) Enige kommunikasie wat vir gebruikers gestuur en/of in die openbare domein geplaas word, moet erkenning van die bron gee.
- (f) Enige foto's of video materiaal wat van leerders geplaas word, moet aan die skool se fotobeleid voldoen.

10. VERANTWOORDELIKHEID VAN LEERDERS

Leerders het die verantwoordelikheid om:

- (a) Die skool se waardes van respek, eerlikheid, verantwoordelikheid en omgee uit te leef in hul optrede en gebruik van engie sosiale media.
- (b) Die wêreldwye omvang van sosiale media in gedagte te hou en hul plasings daarvolgens te wysig of beperk;



Laerskool Jan van Riebeeck

Kloofstraat 52 Kaapstad 8001
Epos: ontvangs@jvrprim.co.za

Tel: 021 423 4209
Skoolhoof: JH Oosthuizen

Faks: 021 423 4210 / 424 2375
Webtuiste: www.jvrprim.co.za

- (c) Te onthou dat hoewel die gebruik van sosiale media maklik, informeel, vining en goedkoop is, hierdie elektroniese boodskappe permanente, oordraagbare rekords is wat hul eie reputasie en die reputasie van die skool kan raak;
- (d) Toestemming te kry vir die gebruik van intellektuele eiendomsregte van 'n derde party, insluitende outeursreg, patente, handelsmerke, foto's en video's.
- (e) Geen opmerkings, foto's of video's op enige sosialemediaplatforms te publiseer of versprei wat die skool se naam skade kan doen nie;
- (f) Geen neerhalende en aanstootlike boodskappe oor die skool, sy personeel of die leerders te publiseer of versprei nie. 'n Oortreder kan daaraan skuldig bevind word dat hy/sy die skool se naam oneer aangedoen het, wat tot dissiplinêre optrede of regsaksie vir laster kan lei;
- (g) Geen sosiale media boodskappe gedurende skoolure te stuur nie.

11. VERANTWOORDELIKHEID VAN OUERS

Ouers het die verantwoordelikheid om:

- (a) Hul kinders se gebruik van tegnologie binne en buite die huis te monitor;
- (b) Hul kinders op te voed in die waarde-gedreve en die veilige gebruik van tegnologie;
- (c) Nie sosiale media te gebruik om klagtes of probleme wat met die skool verband hou te bespreek nie. Die skool se amptelike kommunikasiekanaale moet hiervoor gebruik word;
- (d) Geen opmerkings, foto's of video's op enige sosiale mediaplatforms te publiseer wat die skool se naam skade kan doen nie;



Laerskool Jan van Riebeeck

Kloofstraat 52 Kaapstad 8001
Epos: ontvangs@jvrprim.co.za

Tel: 021 423 4209
Skoolhoof: JH Oosthuizen

Faks: 021 423 4210 / 424 2375
Webtuiste: www.jvrprim.co.za

- (e) Geen neerhalende en aanstootlike boodskappe oor die skool, sy personeel of die leerders te publiseer of versprei nie. 'n Oortreder kan daaraan skuldig bevind word dat hy/sy die skool se naam oneer aangedoen het, wat tot dissiplinêre optrede ofregsaksie vir laster kan lei;

12. VERANTWOORDELIKHEID VAN ONDERWYSERS

Onderwysers het die verantwoordelikheid om:

- (a) Leerders te lei om te verstaan dat wat in 'n klaskamer toelaatbaar is, aanlyn aanvaarbaar is en enigiets wat in 'n klaskamer ontoelaatbaar is, ook aanlyn onaanvaarbaar is;
- (b) Bewus te wees dat aanlyn aktiwiteite 'n uitwerking mag hê op hul persoonlike reputasie, beeld en vermoë om met kollegas en leerders te verkeer;
- (c) Professioneel en hoflik te wees wanneer hulle aanlyn met ander partye kommunikeer;
- (d) Die noodsaaklikheid van diskresie en vertroulikheid te respekteer met betrekking tot persoonlike inligting en ander sensitiewe inligting wat dalk nie vir openbare bespreking gepas is nie;
- (e) Binne redelike perke te poog om neutraal, objektief en professioneel te bly oor kwessies wat aangebied en bespreek word op opvoedkundige platforms of webwerwe wat vir opvoedkundige doeleindes bedoel is;
- (f) Enige materiaal wat aanstootlik, onvanpas, ontoepaslik, onhoflik of andersins hinderlik vir ander gebruikers is, oordeelkundig te verwijder.
- (g) Geen opmerkings, foto's of video's op enige sosiale mediaplatforms te publiseer wat die skool se naam skade kan doen nie;



Laerskool Jan van Riebeeck

Kloofstraat 52 Kaapstad 8001
Epos: ontvangs@jvrprim.co.za

Tel: 021 423 4209

Faks: 021 423 4210 / 424 2375
Webtuiste: www.jvrprim.co.za

Skoolhoof: JH Oosthuizen

- (h) Geen neerhalende en aanstootlike boodskappe oor die skool, sy personeel of die leerders te publiseer of versprei nie. 'n Oortreder kan daaraan skuldig bevind word dat hy/sy die skool se naam oneer aangedoen het, wat tot dissiplinêre optrede ofregsaksie vir laster kan lei.

13. ONWETTIGE GEDRAG

Dit is onwettig om:

- (a) By identiteitsdiefstal betrokke te raak;
- (b) Aan haat- of kultuswebwerwe deel te neem;
- (c) Gesteelde goedere op webwerwe te koop of te verkoop;
- (d) Persoonlike inligting te onthul of vertroulike finansiële inligting met betrekking tot bank- en kredietkaarte bekend te maak deur onveilige en bedrieglike webwerwe te gebruik;
- (e) Inligting wat 'n ander individu se reputasie of waardigheid in gedrang mag bring, te publiseer; dit word ook as tesitering beskou om iets te doen wat hulle weet benadeling van 'n ander persoon kan veroorsaak, hetsy geestelik, sielkundig of fisies.

14. KUBERBOELIE GEDRAG

Enige kuberboelie gedrag moet by 'n klasonderwyser aangemeld word wat dit by die boeliekomitee moet aanmeld. Kuberboelie gedrag sal ingevolge die skool se Boeliebeleid, Gedragskode en Dissiplinêre Beleid hanteer word.

15. NIE-NAKOMING

Nie-nakoming deur leerders, ouers en personeel sal ingevolge die skool se Gedragskode, Dissiplinêre Beleid, Die Wet op Indiensneming van Opvoeders, 1998 (Wet 76 van 1998) en die Staatsdienswet, 1994 (Proklamasie No. 103 van 1994) hanteer word.

Beleid opgestel: November 2017

Beleid hersien: Mei 2019